



NOGOMETNI SAVEZ FEDERACIJE BiH

Broj: 199/25

Datum: 18.02.2025.

Na osnovu člana 36. Statuta Nogometnog saveza Federacije BiH, Komitet za hitnost NS FBiH na sjednici održanoj 18.02.2025. godine donosi sljedeću:

ODLUKU

o poništavanju odluka sa izbornih skupština
Fudbalskog saveza Kantona Sarajevo

Član 1.

Poništavaju se odluke o imenovanju članova organa i tijela Fudbalskog saveza Kantona Sarajevo i liste sa prijedlozima kandidata za članstvo u organima i tijelima Nogometnog saveza Federacije BiH i Nogometnog/Fudbalskog saveza BiH, usvojene na izbornim skupštinama Fudbalskog saveza Kantona Sarajevo održanim dana 11.12.2024. godine u prostorijama NS/FS BiH i hotelu Ibis u Sarajevu.

Član 2.

- 1) Mjesta u organima i tijelima Nogometnog saveza Federacije BiH i Nogometnog/Fudbalskog saveza BiH predviđena za predstavnike Fudbalskog saveza Kantona Sarajevo će ostati upražnjena sve do okončanja izbornog postupka na nivou Fudbalskog saveza Kantona Sarajevo, a zaključno do dana 30.08.2025. godine.
- 2) Po okončanju izborne procedure na nivou Fudbalskog saveza Kantona Sarajevo, u skladu sa svojim statutarnim ovlaštenjima, generalne skupštine i izvršni odbori Nogometnog saveza Federacije BiH i Nogometnog/Fudbalskog saveza BiH će kooptirati izabrane predstavnike Fudbalskog saveza Kantona Sarajevo u svoje organe i tijela.

Član 3.

Ova Odluka stupa na snagu i primjenjuje se danom donošenja.

O b r a z l o ž e n j e

Dana 18.02.2025. godine, Komitet za hitnost Nogometnog saveza Federacije BiH je donio odluku kojom se imenuje Komisija za normalizaciju funkcioniranja Fudbalskog saveza Kantona Sarajevo (u daljem tekstu: FSKS), koja se, između ostalog, zadužuje za provođenje izborne procedure na nivou prednje navedenog kantonalnog saveza, budući da je Ministarstvo pravde i uprave Kantona Sarajevo, Rješenjem broj: 03-03-04-19528/24 od dana 10.02.2025. godine, odbacilo zahtjeve za upis promjena nastalih na temelju odluka donesenih dana 11.12.2024. godine na dvjema odvojenim i paralelno održanim izbornim skupštinama FSKS.

Na obje izborne skupštine donesene su odluke o imenovanju članova organa i tijela FSKS, te odluke o imenovanju prijedloga kandidata za članstvo u organima i tijelima Nogometnog saveza Federacije BiH i Nogometnog/Fudbalskog saveza BiH.

Budući da su, kako je već prednje navedeno, zahtjevi za upise promjena po odlukama sa obje izborne

skupštine FSKS odbačene od strane Ministarstva pravde i uprave Kantona Sarajevo, to podrazumijeva da se iste ne mogu smatrati pravno valjanima niti mogu proizvesti pravno djelovanje.

Slijedom prednje navedenog te imajući u vidu činjenicu da je Komitet za hitnost Nogometnog saveza Federacije BiH donio relevantne odluke postupajući u skladu sa pravom i pravdom, a sve sa ciljem očuvanja jedinstva, integriteta i stabilnosti nogometa na teritoriji Federacije BiH, kao i sa ciljem očuvanja ravnopravnosti i jednakosti svih članova Nogometnog saveza Federacije BiH, to Komitet za hitnost Nogometnog saveza Federacije BiH cijeni da je u cilju transparentnog, nepristranog i nezavisnog provođenja izbornog procesa na nivou FSKS, bilo neophodno, svrsishodno i opravdano donijeti odluku kako je navedeno u dispozitivu.

Pouka o pravnom lijeku: *Ova odluka je konačna te protiv iste žalba nije dopuštena.*

PREDSJEDNIK

Dragan Soldić

